

Mii lea borasdávda?

Dieðut Borasdávdasearvvis

Borasdávda lea čoahkkedoaba sullii 200 iešguðetlágan borasdávddaide. Dain leat olu ovttaláganvuodat, muhto lea maid olu mii earuha daid nubbi nuppis. Dan dihte leat dávdamannolagat, divšsut ja vásáhusat iešguðetláganat.

Mat leat borasdávdda dovdomearkk?

Rumaš buvttada čaða áiggi oðða seallaíd daid seallaíd sadjái mat lunddolaččat jápmeti. Sealla geardu iežas árbeávdnsa (DNA) vai oðða sealat sáhttet buvttaduvvot, ja juohkása guovtti sellii, ja dasto njealji jna. Go lea borasdávda, de leat šaddan mutašuvnnat (vahágat) sealla árbeávdnsi, nu ahte sealla juohkása summal. Borasdávdaseallat čoahkkanit ja šaddet šattalmassan dan orgánas gos leat álgán stuorrut (primárašattalmas dahje álgošattalmas). Leukemijja ja sullasaš borasdávddaid okta-vuodas mat leat vuolgán varraseallain, dávjá ii šatta šattalmas, muhto dan sadjái gártet borasdávdaseallat varra- dahje lymfasuonaid birrajoðaldahkii.

Borasdávddat sáhttet ovdánit iešguðetge leavtuin. Muhtunágan borasdávddat ovdánit joðánit, ja earáláganat ges šaddet logenáre jagiid ovdal go fuomášuvvojít. Daid iešguðet-lágan borasdávddaid borasdávdaseallat láhttejít iešguðetgeládje, man dihte juohke ovttaskas borasdávdahámis leat iešguðet-lágan vuollejoavkkut ja váralašvuodadásit. Dan dihte rievddada vásáhus, ovdáneapmi, dikšu ja prognosa olbmos olbmui.

Manne leat borasdávddas

dávdamearkk?

Daði mielde go šattalmas stuorru, de dat šaddá dego guvhlin dahje čoaltun mii dovdo dahje oidno. Borasdávdašattalmas sáhttá maid čuoħcat orgánadoibmii dan orgánas gos dat lea. Jus šattalmas lea vuoinjamaččain, de sáhttá dego dohppehallat epilepsiijai, jus lea geahpesborasdávda, de sáhttá pasieanta oažžut gosahaga ja lossavuoinjahaga, ja muðui bákčasiid ja vuolšsi rupmašis mii sáhttá dagahit febera, váibbasvuoda, váibmogákk-heami ja heajos borranlusttu.

Manne šaddet borasdávddat?

Sihke árbbálašvuhta ja eallinvuohki sáhttet väikkuhit dasa galle mutašuvnna čuožžilit, ja dan jähkehahttivuhtii ahte oažžu go olmmoš borasdávdda. Unnimusat okta golmma borasdávdadáhpáhusain bohtet min eallinvuogis. Mii eat sáhte dáhkidot ahte eat oaččo borasdávdda, muhto mii sáhttít dahkat válljemiid mat unnidit riskka, nu go duhpátgeavaheami, unnit juhkat alkohola, suodjalit iežamet beaiv-váža vuostá, lihkadir ja borrat dearvvašlaččat.

Eará oahpes riskafaktorat leat earret eará radonsuonjardeapmi ja go dávjá šaddat leat kemikálaid lahka, ovdamearkka dihte barggu oktavuoðas. Idjabargu lea maid riskafáktor. Vaikko mii dovdat olu riskafáktoriid, de lea ain váttis gávdnat čielgasit manne muhtumat ožzot borasdávdda ja earát eai.

Muhtun baktearát ja virusinfekšuvnnat, earret eará HPV (humant papilloma virus), lokte borasdávdariskka.

Borasdávdaseallat eai njoamo olbmos olbmui.

Gaskal vihtta ja logi proseantta borasdávdadáhpáhusain leat árbbi dihte. Muhtumiin sáhttá duoðaštít oahpes riskagenaid. Eatnasiin duoðaštuvvo árbbálašvuhta dainna go mángasis bearrašis lea ovttalágan borasdávda dahje leat dakkár borasdávdat mat sáhttet gullat oktii. Jus váróhuvvo árbbálaš borasdávda, de galgá pasientii ja bearrašii fállojuvvot genehtalaš rávvejupmi ja guorahallan maid medisiinnalaš genetihka erenoamášossodagat lágidit.

Viidáneapmi (metastásia)

Borasdávdašattalmas viidána go borasdávdaseallat fievrreduvvoytit varra- ja lymfajohtolagaid mielde eará sadjái rupmašis. Borasdávdaseallat sáhttet beassat eará orgánaid goððosiid sisá ja ráhkadit oðða šattalmasaid dohko. Jus čížzeborasdávda lea leavvan geahppáide, de dat leat čížzeborasdávdaseallat mat leat dahkan dan oðða šattalmasa geahppái, eai ge geahpesborasdávdaseallat. Dán oktavuoðas ii leat dat dávda mii lea geahppás geahpesborasdávda, muhto čížzeborasdávda mii lea viidánan geahppái.

Borasdávdaseallat sáhttet viidánit eanas orgánaide rupmašis, muhto dávjá dat viidánit álggos lymfačuolmmaide válndošattalmasa lahka. Iešguðetlágan borasdávddain leat tendeanssat viidánit dihto orgánaide.

Muhtomin bohtet vuosttaš dávdamearkkat viidáneami dihte. Viidáneapmi sáhttá čuožžilit mánuid dahje jagiid manjel, ja de lávejit lohkat borasdávdda leat máhccan.

Iskkadeapmi ja dikšu

Ovdal go vállje divšsu, de lea dárbbashaš bidjat dárkiligis borasdávdadiagnosa ja oažžut bajilgova dávdaovdáneamis. Man guhká dat ádjána, rievddada. Seallaiskosat, goðusiskosat ja lassiiskosat nu go röntgen, CT, MR, ultrajietna dahje PET-scannen fertejít dáhkkojuvvot oažžun dihte oppalaš gova olles dávdagovas.

Go buot dárbbashaš iskkadeamit leat dáhkkojuvvon ja vástádusat leat boahtán, de čoahkkana fágaidrasttildeaddji joavku mas leat kirurga, borasdávdadoavttir (onkologa), röntgendoavttir (rádiologa), patologa ja vejolaččat earát dahkat mearrádusa divšsu birra.

Olu pasieanttaid ja oapmahaččaid mielas lea čielggadanáigi lossat. Oapmahaččat ávžzuhuvvot maid oassálastit diehtojuohkinságastallamiidda.

Borasdávda páhkkamannolat galgá veahkkin buoridit einnstaohtivuoða ja unnidit vuordináiggi čielggadan- ja dikšunmannolagas. Dan dihte leat biddjojuvvon ávžzuhuvvon, rávvejeaddji áigemearit čielggadeapmái, diagnostihkkii ja dikšunálggaheapmái.

Dábáleamos vuogit dikšut borasdávdda leat kirurgija, suonjardikšu ja seallamirku. Daid lávejit addit juogo sierra dahje kombineret.

Guovtti pasieanttas, geain leat ovttalágan borasdávdat, sáhttet leat goabbatlágan šattalmasat. Árbeávdnasiidda sáhttet leat šaddan iešguđetlágan vahágat (mutašuvnnat). Dan dihte sáhttá dakkár divšus mii ovta pa-sientii doaibmá bures, leat unnán ávki nubbái. Dainna dieđuin borasdávdaseallaid birra, bodđii doaba persovdnaheivehuvvon dikšu.

Ahki, oppalaš veadju ja eará dávddat sáhttet maid váikkuhit divšsu válljemii.

Borasdávddadivšu ulbmil vuolgá das man dásis dahje man muttus dávda lea go dikšu álggahuvvo.

Jus dávda lea árra dásis, de lea álgomihttu ahte pasieanta galgá oalát dearvašnuvvat (kuratiiva dikšu).

Čuohpadeami oktavuođas addojuvvo dávjá lassidikšu billistan dihte borasdávdaseallaid mat leat báhcán ja eastadan dihte borasdávdda máhccamis.

Muhtumiin lea buoritmeahttu borasdávda dan rájes jo go vuohčan fuomášuvvo. Earát väsihit ges ahte borasdávda máhcá fas manjel go leat ožzon divšu ja leamašan borasdávdda haga muhtun áigodaga. Dat sáhttá de leat buoritmeahttu. Divšu ulbmil lea de goazadir dávdaovdáneami guhkidan dihte eallináiggi ja geahpidan dihte dávda-mearkkaid (váidudeaddji, palliatiiva dikšu). De lea erenoamáš dehálaš váidudit bákčasiid, váibmogákkahaga ja eará givssiid, oazžut psy-kososiála doarjaga ja buoridit eallinkvalitehta.

Oallugat ellet guhká kronalaš borasdávddain maid ii sáhte buoridit, ja earát ges bessel eret borasdávddas ja oalát dearvašnuvvet, muhto ellet olu lassiváikkahuusaiguin. Goappaš oasit sáhttet dahkat váttisin máhccat seammalágan beaivválaš eallimii go movt lei ovald dávdda. Veajuiduhittin ja lášmmohallan galget addit dutnje vejolašvuoda birget daid rievdamiguin mat bohte dávdda ja divšsu mielde.

Borasdávddat Norggas

Norggas leat dál eanet go 30 000 ođđa borasdávdadáhpáhusa jagis. Leat ain eanet dievdoolbmot go nissonolbmot geat ožzot borasdávdda. Borasdávda boahá eanas vuorasolbmuide. Gaskamearalaš ahki oažžut buotlágan borasdávddaid lea mánga lagi leamašan 69 lagi. Dábáleamos borasdávda maid dievdoolbmot ožzot lea ovdaráksáborasdávda, ja nissonolbmot ges čižzeborasdávdda. Dábáleamos borasdávddat goappašat sohkabeliin leat geahppáin ja gassa- ja bahtačoalis. Eamidielkoborasdávda lea viđadin dábáleamos borasdávda.

Čieža olbmo juohke logi olbmos geat leat ožzon borasdávdda ellet vihtta lagi manjel go leat geargan divšuin. Dát lohku lassána eanas borasdávdahámiid ovddas.

Borasdávdalinjá 800 57 338

Movt mii sáhttit veahkehit?

Leat buresboahtin váldit oktavuođa go leat jearaldagat borasdávdda, ekonomija ja vuogatvuodaid birra, ja go lea dárbu hupman muhtumiin. Báłvalus lea fálaldat borasdávdabuhcciide, oapmahaččaide, fágaolbmuide ja eará berošteddjide. Sáhtát válljet leat anonyma. Mii addit dieđuid Borasdávdasearvi legáhtaid birra borasdávdabuhcciide geain leat ekonomalaš váttisvuodat.

Geat mii leat?

Borasdávdalinjjás barget buohccidivššárat, sosionomat ja juristtat geain lea jávohisvuodageasku.

Movt oaččut min ságaide?

Telefovna bokte 800 57 338 – báłvalus lea nuvttá go riŋge fástatelefovnnain.

Dasa lassin sáhtát sáddet e boastta deike kreftlinjen@kreftforeningen.no ja sáhtát čálašit minguin neahttiiddus kreftforeningen.no.



GUOVDAEAINNU SUOHKAN
Kautokeino kommune
Kreftkoordinator

Sámegillii jorgalan:
Inger Máret Ánne Eira



SÁMEDIGGI SAMETINGET



KREFTFORENINGEN

MII LEA BORASDÁVDA?

Almmuheaddji: Borasdávdasearvi, Postboks 4, Sentrum, 0101 Oslo
Telefovndna: 21 49 49 21, E-boasta: post@kreftforeningen.no, Fágalaš ovddasvástádus: Anne Grasdal
kreftforeningen.no